



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

6,186 PEMERIKSAAN TELAH DIJALANKAN SEPANJANG PELAKSANAAN SKIM HARGA MAKSIMUM MUSIM PERAYAAN TAHUN BARU CINA

PUTRAJAYA, 17 FEBRUARI 2024 - Perayaan Tahun Baru Cina telah disambut di seluruh negara pada 10 Februari 2024. Susulan itu, Kerajaan telah melaksanakan Skim Harga Maksimum Musim Perayaan Tahun Baru Cina 2024 berkuat kuasa dari 6 Februari 2024 hingga 14 Februari 2024. Pelaksanaan skim ini merupakan langkah Kerajaan dalam menangani kos sara hidup semasa sambutan Tahun Baru Cina 2024.

Tempoh pelaksanaan skim ini adalah selama 9 hari dan berkuat kuasa pada 4 hari sebelum perayaan, 1 hari semasa perayaan dan 4 hari selepas perayaan. Sebanyak 11 jenis barangan harga terkawal berserta harga maksimumnya telah diwartakan bagi pelaksanaan Skim Harga Maksimum Musim Perayaan Tahun Baru Cina 2024.

Sepanjang pelaksanaan skim ini, sebanyak 6,186 pemeriksaan telah dijalankan ke atas premis perniagaan di seluruh negara merangkumi 118 pemeriksaan ke atas premis borong dan pengeluar serta 6,068 pemeriksaan ke atas premis runcit.

Tindakan undang-undang yang telah dikenakan adalah melibatkan 43 kes gagal menggunakan tanda harga khas merah jambu dan 1 kes tiada tanda harga. Tiada kesalahan menjual melebihi harga maksimum dikesan sepanjang pelaksanaan Skim.

Kementerian Perdagangan Dalam Negeri dan Kos Sara Hidup tidak menerima sebarang aduan semasa pelaksanaan Skim Harga Maksimum Musim Perayaan Tahun Baru Cina 2024. Majoriti peniaga yang diperiksa komited serta mematuhi perundangan harga maksimum yang berkuatkuasa sepanjang pelaksanaan skim ini. Kementerian ingin merakamkan penghargaan kepada pihak industri dan keseluruhan peniaga atas komitmen serta kerjasama dalam menjayakan pelaksanaan Skim Harga Maksimum Musim Perayaan Tahun Baru Cina 2024.

Berdasarkan pemantauan Kementerian Perdagangan Dalam Negeri dan Kos Sara Hidup serta maklum balas orang ramai, pelaksanaan Skim Harga Maksimum Musim Perayaan Tahun Baru Cina 2024 telah berjalan dengan baik dan lancar.

YBHG. DATUK AZMAN BIN ADAM,
Ketua Pengarah Penguat Kuasa,
Kementerian Perdagangan Dalam Negeri
Dan Kos Sara Hidup.

###